



Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allanngortinneqarnera aamma pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatilluguneqerooruteqartitsisarneq pillugu Inatsisartut inatsisaata allanngortinneqarnera pillugit Inatsisartut inatsisaat

(Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoq)
(Siullermeerneqarnera)

Qujanaq Naalakkersuisut siunnersuummut.

Isumassarsiatsialaavoq sanaartornerup aqunneqarneranut pitsaannerusunik sinaakkusiinissamik pilersitsinissaq. Ullumikkut takukkajupparput, pingaarnersiuiinerni ataqatigiinngittoqarnera, aammalu suliniutit pilersaarusiorneqartuaannaratik siunissamut ungasinnerusumut pisariaqartumik isigisumik. Kingunerisinnaasarpaa, aningaasaliissutitta naammattumik nalilinnik atorneqarneq ajornerinik.

Uuminnga siunnersuuteqarnikkut ataatsimoornerusumik eqqarsaatigilluarneqartumillu pullaveqarnissaq siunniunneqarpoq. Taamaaliornikkut pitsaannerusumik periarfissinneqassaaq suliniutit pingaarnersiorsinnaaneri, malunnaatilimmik allannguutaasussat, aammalu nikeranngitsumik attanneqarsinnaasumillu ineriartornermut tapertaasussamik.

Taamaattutaaq pingaaruteqarpoq, pilersaarusiorneq pitsaannerusooq aamma piffinni inuussutissarsiortunut iluaqutaanerusinnaasooq. Sanaartornerit annertunerusumik pilersaarusiorneqarpata suliarineqarlutillu ataatsimut isigalugu, periarfissanik pitsaannerusunik pilersitsisoqassaaq, nunaqavissut suliffeqarfiutaat neqeroorsinnaanngorlugit, suliarisinnaasatik pilersaarusiorsinnaallugit aammalu ineriartornermut akuulluarsinnaalerlutik. Tamanna sulinermit pingaaruteqarpoq, piginnaasat annertusarnerannut aammalu inuiaqatigiit ataatsimut aningaasaqarnerannut.

Demokraatinut pingaaruteqarpoq, pisortat aningaasaataasa akisussaassusilimmik atornissaat. Qulakkiissavarput, koruunit tamarmik atorneqarnissaat, iluaqutaanerpaanut. Taamaaliorneq pingaarnersiuiinernik ersarissunik pisariaqartitsivoq aammalu siunissamut ungasinnerusumut eqqarsarsinnaanermik pisariaqartitsilluni.

Sanaartukkanut aningaasaliigaangatta, inunnut tunngassuteqartuaannarput. Sinaakkutinut tunngasarput, ulluinnarni neqeroorutigisinnaasatsinnut, aammalu inuiaqatigiinnik ingerlalluartunik pilersitsinissamik.

Maluginiarparput, tusarniaanernut akissutit annermik teknikkimut tunngassuteqartut. Taakku takutippaat,



siunnersuummut taassumalu sammivianut taperserueq annertusoq.

Taamatut oqaaseqaateqarlutik Demokraatit siunnersuut taperserpaat Sanaartornermullu
Ataatsimiititaliami suliareqqinneqarnissaa innersuussutigalugu.